

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНИНГ
ҚАРОРИ

257 Ички бозорда сотилаётган «Женерал Моторс Ўзбекистон» ЁАЖ томонидан ишлаб чиқарилган автомобилларга акциз солиғини ҳисоблаш ва тўлаш тартиби тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2010 йил
27 июлда рўйхатдан ўтказилди, рўйхат рақами 2126*

(2010 йил 6 августдан кучга киради)

Ўзбекистон Республикаси Солиқ кодекси (Ўзбекистон Республикаси Олий Мажлиси палаталарининг Ахборотномаси, 2007 йил, 12-сонга 1-илова), Ўзбекистон Республикасини «Давлат солиқ хизмати тўғрисида»ги Қонунининг 7-моддаси (Ўзбекистон Республикаси Олий Мажлисининг Ахборотномаси, 1997 йил, 9-сон, 232-модда), Ўзбекистон Республикаси Президентининг 2009 йил 22 декабрдаги ПҚ–1245-сонли «Ўзбекистон Республикасининг 2010 йилги асосий макроиктисодий кўрсаткичлари ва Давлат бюджети параметрлари тўғрисида»ги қарорига (Ўзбекистон Республикаси қонун

Ўзбекистон Республикаси қонун ҳужжатлари тўплами, 2010 й.

ҳужжатлари тўплами, 2009 йил, 52-сон, 560-модда) мувофиқ Ўзбекистон Республикаси Молия вазирлиги ва Давлат солиқ қўмитаси **қарор қиладилар:**

1. Ички бозорда сотилаётган «Женерал Моторс Ўзбекистон» ЁАЖ томонидан ишлаб чиқарилган автомобилларга акциз солиғини ҳисоблаш ва тўлаш тартиби тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Молия вазири

Тошкент ш.,
2010 йил 14 июль,
59-сон

Р. АЗИМОВ

**Давлат солиқ
қўмитаси раиси**

Тошкент ш.,
2010 йил 14 июль,
2010-29-сон

Б. ПАРПИЕВ

Ўзбекистон Республикаси
Молия вазирлиги ва Давлат солиқ
қўмитасининг 2010 йил 14 июлдаги
59, 2010-29-сонли қарорларига
ИЛОВА

**Ички бозорда сотилаётган «Женерал Моторс Ўзбекистон»
ЁАЖ томонидан ишлаб чиқарилган автомобилларга акциз
солиғини ҳисоблаш ва тўлаш тартиби тўғрисида
НИЗОМ**

Ушбу Низом Ўзбекистон Республикаси Солиқ кодекси (Ўзбекистон Республикаси Олий Мажлиси палаталарининг Ахборотномаси, 2007 йил, 12-сонга 1-илова), Ўзбекистон Республикаси «Давлат солиқ хизмати тўғрисида»ги Қонунининг 7-моддаси (Ўзбекистон Республикаси Олий Мажлисининг Ахборотномаси, 1997 йил, 9-сон, 232-модда), Ўзбекистон Республикаси Президентининг 2009 йил 22 декабрдаги ПҚ–1245-сонли «Ўзбекистон Республикасининг 2010 йилги асосий макроиқтисодий кўрсаткичлари ва Давлат бюджети параметрлари тўғрисида»ги қарорига (Ўзбекистон Республикаси қонун ҳужжатлари тўплами, 2009 йил, 52-сон, 560-модда) мувофиқ ички бозорда сотилаётган «Женерал Моторс Ўзбекистон» ЁАЖ томонидан

ишлаб чиқарилган автомобилларга акциз солиғини ҳисоблаш ва тўлаш тартибини белгилайди.

I. Акциз солиғини тўловчилар

1. Акциз солиғини тўловчилар «Женерал Моторс Ўзбекистон» ЁАЖ томонидан ишлаб чиқарилган янги автомобилларни «Женерал Моторс Ўзбекистон» ЁАЖ билан тузилган савдо-дилерлик келишувлари (матнда — «дилерлар») асосида сотувчи юридик шахслардир.

II. Солиқ солиш объекти ва солиқ солинадиган база

2. Акциз солиғи бўйича солиққа тортиш объекти бўлиб, Ўзбекистон Республикаси Солиқ кодексига мувофиқ солиққа тортиладиган «Женерал Моторс Ўзбекистон» ЁАЖ томонидан ишлаб чиқарилган автомобилларни сотиш ҳисобланади.

3. Акциз солиғини ҳисоблашда солиқ солинадиган база бўлиб, «Женерал Моторс Ўзбекистон» ЁАЖ томонидан ишлаб чиқарилган автомобилларни дилерлар томонидан республика ичида сотиладиган, дилернинг комиссия мукофотини чегириб ташлаган ҳолдаги қиймати ҳисобланади.

III. Акциз солиғи маблағларини ҳисоблаш ва жамлаш тартиби

4. Сотилган автомобилга акциз солиғи суммаси қуйидаги формула орқали ҳисобланади:

$$S = H \times \frac{A}{100 + A} \text{ бу ерда:}$$

S — акциз солиғи суммаси;

H — солиқ солиш базаси;

A — акциз солиғи ставкаси.

*Мисол: Дилер томонидан «МХ В0» модификацияли «Матиз ВЕСТ» русумли автомобил 11 363,38 минг сўм чакана нархга сотилган бўлиб, ушбу сумма 222,81 минг сўмга тенг бўлган дилернинг комиссия мукофот пулини ҳам ўз ичига олган. Акциз солиғини ставкаси 29% га тенг. Солиқ солиш базаси 11 140,57 минг сўмни (11 363,38 – 222,81) ташкил этади. Шунда акциз солиғини суммаси 2 504,47 минг сўмни (11 140,57 * 29/129) ташкил этади.*

5. Дилерлар, ушбу Низомнинг 5-бандига мувофиқ ҳисобланган акциз солиғи суммасини, автомобилларни сотишдан олинадиган тушум билан бир-

галикда, савдо-дилерлик келишувида кўрсатилган муддатларда «Женерал Моторс Ўзбекистон» ЁАЖ нинг махсус банк ҳисоб рақамига бир вақтда ўтказадилар.

6. Хорижий валютадаги халқаро пластик карточкалардан фойдаланган ҳолда автомобиллар сотилганда, автомобиль учун тўлов харидорлар томонидан «Женерал Моторс Ўзбекистон» ЁАЖ нинг транзит валюта ҳисоб рақамига ўтказилади. Тўлов суммаси тўлов ўтказилган кундаги Ўзбекистон Республикаси Марказий банкининг курси бўйича ички бозорда амалда бўлган чакана нархига эквивалент миқдорда бўлади.

Шу билан бирга, «Женерал Моторс Ўзбекистон» ЁАЖ миллий валютадаги ўз пул маблағлари ҳисобидан:

акциз солиғи суммасини — «Женерал Моторс Ўзбекистон» ЁАЖ нинг махсус банк ҳисоб рақамига;

дилернинг комисион мукофот суммасини — дилернинг талаб қилиб олингунча бўлган депозит ҳисоб рақамига ўтказилади.

7. «Женерал Моторс Ўзбекистон» ЁАЖ билан дилерлар орасидаги ўзаро ҳисоб-китобларнинг ҳолати савдо-дилерлик келишувлари шартларига мувофиқ ҳар ойлик солиштирма далолатномалар тузиш орқали назорат қилиб борилади.

8. Акциз солиғи маблағлари «Женерал Моторс Ўзбекистон» ЁАЖ нинг махсус банк ҳисоб рақамидан Ўзбекистон Республикаси Ҳукуматининг тегишли қарорларига мувофиқ белгиланган тартибда қуйидаги муддатларда кўчирилади:

ойнинг биринчи ўн кунлиги учун — шу ойнинг 13-кунидан кечиктирмай;

ойнинг иккинчи ўн кунлиги учун — шу ойнинг 23-кунидан кечиктирмай;

ойнинг охириги ўн кунлиги учун — кейинги ойнинг 3 кунидан кечиктирмай.

IV. Ҳисоб-китобни тақдим этиш тартиби

9. Акциз солиғининг ҳисоб-китоби дилерлар томонидан солиқ бўйича ҳисобга олиш жойидаги давлат солиқ хизмати органларига, ушбу Низомнинг иловасига мувофиқ шаклда:

микрофирмалар ва кичик корхоналар томонидан — йилнинг ҳар чорагида солиқ давридан кейинги ойнинг 25-кунидан кечиктирмай;

микрофирмалар ва кичик корхоналар жумласига кирмайдиган солиқ тўловчилар томонидан — ҳар ойда солиқ давридан кейинги ойнинг 25-кунидан кечиктирмай тақдим этилади.

V. Яқуний қоидалар

10. Акциз солиғини тўғри ҳисоблаш ва тўлаш, ҳамда давлат солиқ хиз-

мати органларига ўз вақтида ҳисоб-китобларни тақдим этиш бўйича масъулият қонунчилиққа мувофиқ, дилерлар зиммасидадир.

11. Акциз солиғи маблағларини тўғри ҳисобланиши ва тўланиши бўйича назорат давлат солиқ хизмати органлари томонидан Ўзбекистон Республикаси Солиқ кодекси, ушбу Низом ва қонунчиликнинг бошқа ҳужжатларига мувофиқ амалга оширилади.

12. Ушбу Низом «Ўзавтосаноат» АК билан келишилган.

«Ўзавтосаноат» АК
Бошқарув раиси

У. РОЗУҚУЛОВ

2010 йил 14 июль

Ички бозорда сотилаётган «Женерал Моторс
Ўзбекистон» ЁАЖ томонидан ишлаб чиқарилган
автомобилларга акциз солигини ҳисоблаш ва тўлаш
тартиби тўғрисидаги низомга
ИЛОВА

Юридик шахснинг тамғаси

Давлат солиқ инспекциясига _____ туман (шаҳар)

Солиқ тўловчи _____
(ташкилот номи)

СТИР

--	--	--	--	--	--	--	--	--	--

Телефон _____

Тўловчининг манзили _____

Ҳисоб рақами № _____
(банк номи, код)

**20__ йил учун ички бозорда сотилаётган
«Женерал Моторс Ўзбекистон» ЁАЖ автомобилларига акциз солигини
ҲИСОБИ**

(сўм)

Автомобиль моделлари		Битта автомобильнинг чакана нархи	Битта автомобильга нисбатан солиқ базаси (дилернинг комиссия мукофот суммасини чегирган ҳолдаги автомобильнинг чакана нархи)	Акциз солиги ставкаси, %	Битта автомобильга акциз солиги	Шу моделдаги ва модификациядаги сотилган автомобиллар сони, донa	Акциз солиги суммаси (гр. 6 x гр. 7)
Модел номи	Опцияси						
1	2	3	4	5	6	7	8

Ҳаммаси бўлиб ҳисобланди

Раҳбар _____
(ф.и.ш.)

Бош бухгалтер _____
(ф.и.ш.)

20__ йил «__» _____ М.Ў.